

影印
文淵閣

四庫全書

影印

文淵閣四庫全書

第一四三三冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

御定佩文齋詠物詩選（二）

清

張玉書
汪霏等奉敕編……………一

欽定四庫全書

集部

御定佩文齋詠物詩選卷百三十三

詳校官侍郎臣李封

主事銜臣徐以坤覆勘

總校官檢討臣何思鈞

校對官中書臣陸湘

謄錄監生臣陳琴高

欽定四庫全書

御定佩文齋詠物詩選卷一百二十八

車類

四言古

車左銘

漢崔駰

虞夏作車取象機衡君子建左法天之陽正位授綬
車不內顧塵不出軌鸞以節步彼言不疾彼指不躬淵
覽于道永思厥中

欽定四庫全書

御定佩文齋詠物詩選
卷一百二十八

車右銘

崔駰

擇御卜右採德用良詢納耆老子我是匡惟賢是師惟
道是式箴闕旅賁內顧自勅匪皇其度匪愆其則越戒
敦儉禮以華國

小車銘

漢李尤

員蓋象天方輿則地輪法陰陽動不相離合之嘒嘒疏
達開通兩輻障邪尊卑是從輓輓之用信義所同

天輶車銘

李尤

奚氏本造後裔飾雍輪以代步輶以蔽容輪輶并合出入周通追仁赴義惟禮是恭

七言古 附長短句

車遥遥

唐張籍

征人遥遥出古城雙輪齊動駟馬鳴山川無處不歸路
念君長作萬里行野田人稀秋草綠日暮放馬車中宿
驚鷹遊兔在我旁獨唱鄉歌對僮僕君家大宅鳳城隅
年年道上隨行車願為玉鑿繫華軹終日有聲在君側

欽定四庫全書

御定佩文齋詠物詩選
卷一百二十八

門前舊宅久已拋無由復得君消息

十九日出曹門見水牛拽車

宋梅堯臣

只見吳牛事水田只見黃犂負車輶今牽大車同一羣
又與騾驢走長陌印頭闊步塵蒙蒙不似緩耕泥汨汨
一一夜眠頭向南越鳥心腸誰辨白

車家行

宋孔武仲

上坂車聲遲下坂車聲快遲如鳥語相喧啾快如谿沙
瀉鳴瀨一車人十捧擁行江南江北不計程青天白日

有時住無人止得車輪聲晚來驟雨聲濯濯平曉郊原
盡溝壑方悟車家進退難不如田家四時樂

車遥遥

明李先芳

膏車何草草遥遥萬里道遠道莫致思倚輪望見之隻
輪不可行去客難為情駕車策馬輪已遠腸中車輪載
君返

登車行

明僧清澹

擎書使者來海涯躡曉迫趣登輪車高岡碾斷赤石骨

欽定四庫全書

御定佩文齋詠物詩選
卷一百二十八

長空拂碎紅雲花大聲坎坎打天鼓小聲鳴鳴煎春茶
羲生馭日信可並阿香撒雨何足誇直入九重紫金殿
玉皇對坐傾流霞霓裳羽衣萬變態龍笙鳳管相喧嘩
從容握手問至道掀髯一笑吾還家

五言律

詠車

唐李嶠

天子馭金根蒲輪闢四門五神趨雪至雙轂似雷奔丹
鳳棲金輅非熊載寶軒無階添虛左珠乘奉王言

七言律

和李秋谷平章小車

元虞集

雪晴宮草隱晴沙相國朝天試帝車班馬晝移溫室樹

鳴鑾晨度掖垣花褰帷每命賢俱載趣駕頻煩使至家

此日龍門誰執御擁經正履待金華

七言絕句

小遊仙詩

唐曹唐

酒釀春濃瓊草齊真公欲散醉如泥朱輪軋軋入雲去

欽定四庫全書

御定佩文齋詠物詩選
卷一百二十八

四

行到半天聞馬嘶

畫車

宋蘇軾

何人畫此隻輪車便是當年歌器圖上易下難須審細

左提右挈免疎虞

駝車行

元劉秉忠

駝頂丁當響巨鈴萬車軋軋一齊鳴當年不離沙陀地

碾斷金原鼓笛聲

予京居廿稔始作一車出入賦詩自志

元張翥

淺淺輕車穩便休何須高蓋與華輶短轅不作王丞相

下澤聊為馬少游

送翰林宋先生致仕歸金華
明孫黃

華髮朱顏六袞餘還鄉猶駕輶輪車龍江闕吏如相識

應止青牛乞著書

欽定四庫全書

御定佩文齋詠物詩選
卷一百二十八

五

御定佩文齋詠物詩選卷一百二十八

欽定四庫全書

御定佩文齋詠物詩選卷一百二十九

簡閱類

五言古

從武帝琅邪城講武應詔

齊王融

治兵聞魯策訓旅見周篇教民良不棄任智理恒全
白日映丹羽頽霞文翠旃凌山炫組甲帶水被戈船凝葭
鬱摧愴清管乍聯綿早逢文化洽復屬武功宣願陪玉

欽定四庫全書

御定佩文齋詠物詩選
卷一百二十九

鑾右一舉掃燕然

從齊武帝琅邪城講武應詔

梁沈約

九功播桃墀七德陳武懸展事昌國圖息兵由重戰皇
情咨閱典出車追辰選飾徒映寒隰翻綏臨廣甸颯沓
佩吳戈參差腰夏箭風旆舒復卷雲霞清以轉輕舞信
徘徊前歌且遙衍秋原嘶代馬朱光浮楚練虹壑寫飛
文巖阿藻餘絢發震嶽靈從揚旌水華變憑高訓武則
中天起遐眷鳳蓋捲洪河珠旗掃長汧方待翠華舉遠

適瑤池宴

九日登巴陵置酒望洞庭水軍

唐李白

九日天氣清登高無秋雲造化闢川嶽了然楚漢分長
風鼓橫波合沓感龍文憶昔傳遊豫樓船壯橫汾今茲
討鯨鯢旌旆何續紛白羽落酒樽洞庭羅三軍黃花不
擬手戰鼓遙相聞劒舞轉頽陽當時日停曛酣歌激壯
士可以摧妖氛齷齪東籬下淵明不足羣

欽定四庫全書

御定佩文齋詠物詩選
卷一百二十九

五言律

觀兵

唐杜甫

北庭送壯士貔虎數尤多精銳舊無敵邊隅今若何妖
氛擁白馬元帥待雕戈莫守鄴城下斬鯨遼海波

陪柏中丞觀宴將士

杜甫

極樂三軍士誰知百戰場無私齊綺饌久坐密金章醉
客霑鸚鵡佳人指鳳皇幾時來翠節特地引紅粧

其二

繡段裝檐額金花帖鼓腰一夫先舞劍百戲後歌鏹江
樹城孤遠雲臺使寂寥漢朝頻選將應拜霍嫖姚

七言律

癸卯二月十一日官軍發吳門

元 陳基

去年移戍秋將半今歲渡江春正分晉國偏裨歸宿將
漢庭旗鼓屬元勳戈船十萬盡犀弩鐵騎三千皆虎賁
却笑高陽老狂客謾憑口舌下齊軍

欽定四庫全書

御定佩文齋詠物詩選
卷一百二十九

二十二日狼山口觀兵

陳基

官軍野次狼山口鐵騎犀船盡虎驅杼軸萬家供餽餉
旌旗千里亘江湖膝行已伏諸侯將面縛行申兩觀誅
淮海父兄爭鼓舞將軍恐是漢金吾

汪伯子司馬閱武試

明 王世貞

主恩司馬一登臺立表驂驪千騎來鎬似飛星爭犯月
鼓如催雨不停雷橫開銅柱南頭去坐奪金城右臂迴
此地若容狂李白也應偏識令公才

欽定四庫全書

御定佩文齋詠物詩選
卷一百二十九

御定佩文齋詠物詩選卷一百二十九

欽定四庫全書

御定佩文齋詠物詩選卷一百三十

狩獵類

五言古

和諸葛覽從軍遊獵

陳張正見

治兵耀武節縱獵駭畿封迅騎馳千里高置起百重騰
麕斃馬足饑鼯落劍鋒雲根飛燒火鳥道絕禽蹤方羅
四海俊聊以習軍戎

欽定四庫全書

御定佩文齋詠物詩選
卷一百三十

和張侍中看獵

北周王褒

上林冬狩返回中講射歸還登宣曲觀共獵黃山圍嚴
冬桑柘落寒霜馬騎肥縹盧隨兔起高鷹接雉飛獨嗟
來遠客辛苦倦邊衣

伏聞遊獵

北周庾信

虞旗喜旦晴獵馬向山橫石關魚貫上山梁鴈翅行雪
平尋兔跡林藪聽雉聲馬嘶山谷響弓寒桑柘鳴聞弦
鳥自落望火獸空驚無風樹即正不凍水還平誰知茂

陵下願入睢陽城

冬狩行四韻連句應詔

庾信

三川羽檄馳六郡良家選觀兵細柳營校獵長楊苑驚
雉逐鷹飛騰猿看箭轉鳴笳河曲還猶憶南皮返

出獵

唐太宗

楚王雲夢澤漢帝長楊宮豈若因農暇閱武出轅嵩三
驅陳銳卒七萃列材雄寒野霜氣白平原燒火紅琱戈
夏服箭羽騎綠沈弓怖獸潛幽壑驚禽散翠空長煙晦

欽定四庫全書

御定佩文齋詠物詩選
卷一百三十

落景灌木振嚴風所為除民瘼非是悅林叢

校獵義成喜逢大雪率題九韻以示羣官

唐明皇

弧矢威天下旌旗遊近縣一面施烏羅三驅教人戰暮
雲成積雪曉色開行殿皓然原隰同不覺林野變北風
勇士馬東日華組練觸地銀塵出連山縞鹿見月兔落
高矰星狼下急箭既欣盈尺兆復憶磻谿便歲豐將遇
賢俱荷皇天眷

奉和聖製校獵義成喜逢大雪應制

唐張說

文教資武功郊甸闡邦政不知仁育久徒看禽獸盛夜
霰氛埃滅朝日山川淨綽仗飛走繁抨絃筋角勁帝射
衆神道龍馳合人性五紀連一發百中皆先命勇爵均
萬夫雄圖羅七聖星為吉符老雪作豐年慶喜聽行獵
詩威神入軍令

同羣公出獵海上

唐高適

欽定四庫全書

御定佩文韻府詩選
卷一百三十

三

畋獵自古昔況伊心賞俱偶與羣公遊曠然出平蕪層
陰漲溟海殺氣窮幽都鷹隼何翩翩馳驟相傳呼豺狼
竄榛莽麋鹿罹艱虞高鳥下駢弓困獸闕匹夫塵驚大
澤晦火燎深林枯失之有餘恨獲者無全軀咄彼工拙
間恨非指蹤徒猶懷老氏訓感歎此歡娛

獵城南

金元好問

翩翩游俠兒白馬如匹練朝出城南獵暮趁軍中宴北
平有真虎愛惜腰間箭

七言古 附長短句

行行且遊獵篇

唐李白

邊城兒生年不讀一字書但將遊獵誇輕趨塞馬秋肥
宜白草騎來躡影何矜驕金鞭拂雪揮鳴鞘半酣呼鷹
出遠郊弓彎滿月不虛發雙鶴迸落連飛鵠海邊觀者
皆辟易猛氣英風振沙磧儒生不及遊俠人白首下帷
復何益

扈從冬狩

元耶律楚材

欽定四庫全書

御定佩文韻府詩選
卷一百三十

四

天皇冬狩如行兵白旄一麾長圍成長圍不知幾千里
蟄龍震慄山神驚長圍布置如圓陣方騎雲屯貫魚進
千羣野馬雜山羊赤熊白鹿奔青麋壯士彎弓殞奇獸
更驅虎豹逐貪狼獨有中書倦遊客放下獵簾誦周易
五言律

觀獵

唐王維

風勁角弓鳴將軍獵渭城草枯鷹眼疾雪盡馬蹄輕忽
過新豐市還歸細柳營迴看射雕處千里暮雲平

觀獵

唐李白

太守耀清威，乘閒弄晚暉。江沙橫獵騎，山火遠行圍。箭逐雲鴻落，鷹隨月兔飛。不知白日暮，歡賞夜方歸。

觀獵騎

唐司空曙

纏臂繡綸巾，貂裘窄稱身。射禽風助箭，走馬雪翻塵。金埒爭開道，香車為駐輪。翩翩不知處，傳是霍家親。

觀徐州李司空獵

唐張祐

曉出郡城東，分圍淺草中。紅旗開向日，白馬驟迎風。背

欽定四庫全書

御定佩文齋詩餘卷一百三十

五

手抽金簇翻身控角弓，萬人齊指處一鴈落寒空。

觀獵

唐張祐

殘獵渭城東，蕭蕭西北風。雪花鷹背上，冰片馬蹄中。臂

挂梢荆兔，腰懸落箭鴻。歸來逞餘勇，兒子亂彎弓。

駕幸南海子

明薛蕙

詔幸芙蓉苑，傳言羽獵行。三驅陪上將，四校出神兵。列戟圍熊館，分弓射虎城。風雲日暮起，偏繞漢皇營。

五言排律

雲中十二韻

明楊慎

天子雲中狩，將軍久未還。律吹元兔塞，旗繞白狼山。風火燒荒急，星辰過隊閒。燕支留馬首，蘇絡醉龍顏。清樂千門動，黃金萬鎰頒。雪深懷續絮，月滿憶刀鐮。牙烏嚴宵仗，宮鴉捲曉班。奏回青鎖闥，捷報紫金關。臂力休明鎧，歡聲洽禁闌。功牌銀燦燦，賀障錦斑斑。日轉虞巡外，春流鎬宴間。戢戈行有頌，神武徧人寰。

七言律

欽定四庫全書

御定佩文齋詩餘卷一百三十

六

觀校獵上淮西相公

唐劉長卿

龍驤校獵邵陵東，野火初燒楚澤空。師事黃公千載後，身騎白馬萬人中。笳隨晚吹吟邊草，箭沒寒雲落塞鴻。三十擁旄誰不羨，周郎少小立奇功。

觀浙西府相政遊

唐韋莊

十里旌旗十萬兵，等閒遊獵出軍城。紫袍日照金鵝鬬，紅旆風吹畫虎獐。帶箭彩禽雲外落，避鵬寒兔月中驚。歸來一路笙歌滿，更有仙娥載酒迎。

觀獵

韋莊

苑牆東畔欲斜暉，
苑穿花兔正肥。
公子喜逢朝罷日，
將軍誇換戰時衣。
鶻翻錦翅雲中落，
犬帶金鈴草上飛。
直到四郊高鳥盡，
掉鞍齊向國門歸。

祭常山回小獵

宋蘇軾

青蓋前頭點皂旗，
黃茅岡下出長圍。
風驕馬跑空立，
趁兔蒼鷹掠地飛。
回望白雲生翠嶽，
歸來紅葉滿征衣。
聖明若用西涼簿，
白羽猶能效一揮。

欽定四庫全書

御定佩文韻府詩選
卷一百三十

憶觀駕春蒐

元薩都拉

日奏雲間紫鳳簫，
春隨天上頽黃袍。
仗前虎將千斤斧，
架上鷹兒五色絛。
獵士開弓黃犬疾，
官擊鼓紫駝高。
侍遊亦有中書人，
七寶雕盤看綠毛。

圍獵

明楊榮

關塞霜清曉色明，
鑾輿校獵出邊城。
六龍扶輦旌旗合，
萬騎連營鼓角鳴。
遠火依微秋草薄，
驚沙寂寞暮雲平。
小臣躬覲三驅樂，
願效嵩呼播頌聲。

扈從狩陽山次韻答胡學士

明金幼孜

鑾輿曉出五城東，
從狩儒臣載筆同。
日下蒼龍隨玉仗，
道前寶馬載琇弓。
苑松承露枝皆白，
島樹經霜葉盡紅。
向晚笳聲催疊鼓，
軍門校獵氣偏雄。

七言絕句

觀獵

唐王昌齡

角鷹初下秋草稀，
鐵驄拋鞍去如飛。
少年獵得平原兔，
馬後橫捎意氣歸。

欽定四庫全書

御定佩文韻府詩選
卷一百三十

校獵曲

唐錢起

長楊殺氣連雲飛，
漢主秋畋正掩圍。
重門日晏紅塵出，
數騎畋人獵獸歸。

從獵口號

金李獻能

閭闔傳符啟九關，
一聲清蹕駐南山。
虎賁先導三千士，
天馬初離十二閑。

其二

爛爛龍旌捧日旂，
從臣遙認赭紅衣。
天王清曉親弧矢，
爛爛龍旌捧日旂。

初合今冬第一圍

灤京雜詠

元楊允孚

羽獵山陰射白狼
太平天子狩封疆
峰巒頻轉丹樓穩
輦輅初停白晝長

其二

月出王孫獵兔忙
玉驄拾矢戲沙場
皮囊乳酒鑼鍋肉
奴視山陰對角羊

出獵圖

元楊維禎

欽定四庫全書

御定佩文齋詠物詩選
卷一百三十

九

燕支花開春日暉
從官遊騎去如飛
分明一段龍沙景
白鴈黃羊好打圍

欽定四庫全書

御定佩文齋詠物詩選卷一百三十一

征伐類

五言古

命將出征歌

晉張華

重華隆帝道戎蠻或不賓
徐夷興有周鬼方亦違殷
今在聖明世寇虐動四垠
豹狼染牙爪羣生號穹旻
元帥統方夏出車撫涼秦
衆貞必以律臧否實在人
威信加

欽定四庫全書

御定佩文齋詠物詩選
卷一百三十一

一

殊類疎逃思自親
單醪豈有味挾纊感至仁
武功尚止戈七德美安民
遠跡由斯舉永世無風塵

北伐

宋武帝

表裏跨原隰左右御川梁
月羽皎素魄星旗絕赤光

出重圍和傅昭

梁沈約

魯連揚一策陳平出六奇
邯鄲風雨散白登煙霧維排
雲出九地陵定振五危

從駕送軍

陳沈炯

惟堯稱乃武軒后號神兵民資智勇治忽屬師貞我
君膺寶業歷駕視前英蒲海方無浪夷山未有平星光
下結旆劍氣上舒精雲開萬里徹日麗百川明撫鼓山
靈應詔蹕水祗驚

南征

陳蘇子卿

一朝遊桂水萬里別長安故鄉夢中近邊愁酒上寬劍
鋒但須利戎衣不畏單南中地氣暖少婦莫愁寒

西征軍行過風

唐崔融

欽定四庫全書

御定佩文韻府詩選
卷一百三十一

三

北風捲塵沙左右不相識颯颯吹萬里昏昏同一色馬
煩莫敢進人急未遑食草木春更悲天景晝相匿風齡
慕忠義雅尚存孤直覽史懷浸驕讀詩歎孔棘及茲戎
旅地忝從書記職兵氣騰北荒軍聲振西極坐覺威靈
遠行看氛祲息愚臣何以報倚馬申微力

征東至淇門答宋參軍之問

唐陳子昂

南星中大火將子涉清淇西林改微月征師空自持碧
潭去已遠瑤華折遺誰若問遼陽戍悠悠天際旗

貽鼓吹李丞時信安王北伐李公王之所器者

唐諸光義

北伐昧天造王師示有征轅門統元律帝室命宗英靈
威方首事仗鉞按邊城膏雨被春草黃雲浮太清文儒
託後乘武旅趨前旌出車發西洛營軍臨北平曰子深
固陋志氣頗縱橫常思驃騎幕願逐嫖姚兵惟賢美無
度海內依揚聲河間舊相許車騎日逢迎折節下謀士
深心論客卿忠言雖未列庶以知君誠

欽定四庫全書

御定佩文韻府詩選
卷一百三十一

三

七言古

走馬川行奉送出師西征

唐岑參

君不見走馬川行雪海邊平沙莽莽黃入天輪臺九月
風夜吼一川碎石大如斗隨風滿地石亂走塞上草黃
馬正肥金山西見煙塵飛漢家大將西出師將軍金甲
夜不脫半夜軍行戈相撥風頭如刀面如割馬毛帶雪
汗氣蒸五花連錢旋作冰幕中草檄硯水凝敵騎聞之
心膽懾料知短兵不敢接車師西門佇獻捷

五言律

送著作佐郎崔融等從梁王東征

唐陳子昂

金天方肅殺白露始專征
王師非樂戰之子慎佳兵
海氣侵南部邊風掃北平
莫賣盧龍塞歸邀麟閣名

送白利從金吾董將軍西征

唐李白

西羗延國討白起佐軍威
劒決浮雲氣弓彎明月輝
馬行邊草綠旗捲曙霜飛
抗手凜相顧寒風生鐵衣

欽定四庫全書

御定佩文齋詩話卷一百三十一

四

征西將

唐張籍

黃沙北風起半夜又翻營
戰馬雪中宿探人冰上行
深山旗未展陰磧鼓無聲
幾道征西將同收碎葉城

誓師畢隨駕回營中馬上賦

明金幼孜

萬里陰山道平原入望賒
天營高日月輦路淨風沙
寶馬銜金勒蒼龍繞翠華
陽和隨處滿草色徧天涯

五言排律

夏日都門送司馬員外逸客孫員外佺北征

唐李乂

日逐滋南寇天威撫北陲
折珪行仗節持印且分麾
羽檄雙鳬去兵車駟馬馳
虎旗懸氣色龍劒抱雄鷗
候月期戡翦經時念別離
坐聞關隴外無復引弓兒

奉和幸望春宮送朔方軍大總管張仁亶

李乂

邊郊草具腓河塞有兵機
上宰調梅寄元戎細柳威
虎貌東道出鷹隼北庭飛
玉匣謀中野金輿下太微
投醪

欽定四庫全書

御定佩文齋詩話卷一百三十一

五

銜錢酌緝衮事征衣勿謂公孫老行聞奏凱歸

送趙二尚書彥昭北伐

唐張說

朔地河水合邊城備此時
兵連紫塞路將舉白雲司提
劒榮中貴銜珠威出師
日華光組練風色焰旌旗
投筆尊前起橫戈馬上辭
梅花吹別引楊柳賦新詩

送梁公昌從信安王北征

唐李白

入幕推英選捐書事遠戎
高談百戰術鬱作萬夫雄
起舞蓮花劒行歌明月宮
將飛天地陣兵出塞垣通
祖席

留丹景征麾拂綵虹旋應獻凱入麟閣佇深功

七言律

行次昭應縣道上送戶部李郎中充昭義攻討

唐李商隱

將軍大旆掃狂童詔選名賢贊武功暫逐虎牙臨故絳
遠含雞舌過新豐魚遊沸鼎知無日鳥覆危巢豈待風
早勒勲庸燕石上佇光綸綉漢庭中

次韻贈張省史從軍南征

元張憲

欽定四庫全書

御定佩文齋詠物詩選
卷一百三十一

六

震天金鼓紫駝橋阜隸連珠畫斗杓甲馬魚鱗開曉日
錦袍花萼上春潮枕擲雨暗湯泉溢萊利風暄海瘴消
幕下何人專草檄共誇謀議得張昭

送御史大夫鄧公西征

明朱弘祖

今代麒麟第一功從龍飛渡大江東彤弓錫寵專征伐
鐵券銘勲誓始終龍虎親軍遙動地鳳凰臺閣遠生風
不知幙下誰叅佐珠履三千盡石洪

三月十七日送駕出德勝門

明梁潛

煌煌旄鉞發平明萬里河山錦繡迎王氣浮天隨寶纛

虹光拂地護龍旌玉關指日看歸馬青海無波待洗兵
萬姓歡呼傳捷報六軍歌舞入瑤京

送胡學士楊金二侍講扈駕北伐

明黃守

六師北伐繞龍城遠羨詞臣扈蹕行兵略曾從圯上得
檄書多向御前成黃沙白草雲隨馬畫戟雕戈雪照營
應想居庸關外路東風歸旆凱歌聲

欽定四庫全書

御定佩文齋詠物詩選
卷一百三十一

七

嘉靖四年奉詔督師西征再蒙溫旨有趙充國
馬援之褒感而有述

明楊一清

西北風塵帝顧多老臣承詔出巖阿便宜欲上趙充國
矍鑠還非馬伏波十乘戎行新節鉞三邊精采舊關河
極知君命如山重感激渾忘兩鬢皤

夜坐念東征將士

明陸深

長河乘夜渡貔貅兵氣如雲擁上浮大將能揮白羽扇
君王不愛紫貂裘十二關山齊故國百年疆域漢神州